




Ina ua Fetalai Le Atua i le Tagata, “Ia ‘Aina le Tusi”

Sueuega 11

■ Fesoasoani i le Suesuega a le Taitai



Suesue

1. Ua tatou vaaia ua matala le faamaufaailoga lona ono, ua toetoe lava foi ina tatalaina le faamaufaailoga lona fitu, a e faailoa mai loa e Ioane le tulaga e oo iai o soo o Iesu i le taimi lea. E faapena foi, ua mavae le pu lona ono, a o le'i iliina le pu lona fitu (O loo folafolaina mai e le Faaaliga 11:15, le iuga o le talafaasolopito o le soifuaga o tagata e pei ona masani ai), ona tatou vaaia ai lea o le tulaga e oo iai soo o Iesu i le taimi lava foi lea.

Faaaliga 10:1-2. Manatu i le tusi taai ua matala. E te vaaia se sootaga o le mau lenei ma le Faaaliga 5:1-5; 9, 6:1-15 ma le 8:1?

O le fea tusi o le a matala mai nei I le lima o le agelu?

Tali

E foliga mai lava o le tusi lava e tasi na talatalaina e le Tamai Mamoe ona noanoataga (faamaufaailoga) i mataupu faatoa mavae atu.

2. I le Faaaliga 10:7, o le a le mea lilo a Le Atua na faataunuaina i le iliina o le pu lona fitu? Faatusa le faaupuga lenei ma le Efeso 1:9, 10 ma le Kolose 1:26, 27. Aise e ta'ua ai o le “mea lilo”?

Tali

O le mea lilo a Le Atua, o le tala lelei. O le mea lilo le mafuaaga e finagalo ai Le Atua e lavea'iina i tatou, ae maise foi o le mafuaaga na sauni ai Iesu e maluu mo i tatou. E lilo foi i e le talitonu pe faapefea ona ta'uamitonuina i tatou e Le Atua, ma avea I tatou o tagata faafouina.

3. O le Faaaliga 10:8-11, o loo faatonuina ai Ioane e ‘ai le tusi. Faatusatusa le mau lenei ma le Esekielu Ezekiel 2:8 -- 3:9. O le a le uiga o le ‘aiina e le perofeta o le tusi?

Answer

O le faaaogaina lea o le feau o le tusi mo ia lava, ona tala'iina ai lea i isi.

Manatunatu Iai

E iai le sootaga o le Faaaliga 10 ma faai'uina o le galuega a Le Atua i le lalolagi ae maise le toe faavaeina o Lona malo. Peitai o loo tusitusiina uma i se gagana lilo. Aisea ua matua umi ai ona faatali Le Atua e faai'uina lenei leaga, aisea foi e fetalai mai ai i se gagana lilo?

Tali

E tusa ai ma le faatuai mai o le iuga, e na o Le Atua lava e silafia le mafuaaga o Lana lava taimi e faai'uina ai mea uma. E le taumate e aafia ai le autu o le finauga tele, o loo faaalua ai e mafai lava e Le Atua ona onosa'ia le leaga mo se taimi in ia matua manino ma malamalama ai i lona i lona mafuaaga ma lona iuga. E fetalai mai Le Atua ia i tatou i le gagana faatusa ona o Lona finagalo ia malamalama tulaga ma aoaoga taua i le taimi e talafeagai tonu ai. E iai tulaga e finagalo o Ia e malamalama ai Ona tagata, a e le o i latou e teena o Ia.

© All rights reserved Seventh-day Adventist Church South Pacific Division. Not for profit publication. Faatagaina le faaliliuina e Etuati E. Erika erika@adventist.org.au
<http://carrumdowns.adventistconnect.org> www.revelationhope.com